

**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo

15-02

Bosna i Hercegovina  
Federacija Bosne i Hercegovine  
KANTON SARAJEVO

PEŠKAR	15-05-2026	Medni broj	
Organizacija publika			
01	23	24273-	39

n/r Predsjedavajućeg Skupštine Kantona Sarajevo

Uputiti: Ministarstvu saobraćaja Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP Vodovod i kanalizacija, Kantonalnoj upravi za inspeksijske poslove Kantona Sarajevo

**PREDMET: Radovi u ulici Radićeva na području Općine Centar Sarajevo – informacije o izvođenju radova, zaštiti gradilišta i zaštiti zdravlja građana**

Poštovani,

Cijeneći značaj sigurnosti građana, zaštite javnog zdravlja i nesmetanog funkcionisanja saobraćaja i javnog prostora, a povodom radova koji se izvode u ulici Radićeva na području Općine Centar Sarajevo, u skladu sa Poslovníkom Skupštine Kantona Sarajevo upućujem sljedeća zastupnička pitanja:

#### I. INFORMACIJE O RADOVIMA I IZVOĐAČIMA

1. Koji se tačno radovi izvode u ulici Radićeva na području Općine Centar Sarajevo?
2. Ko je investitor predmetnih radova?
3. Ko su izvođači radova i podizvođači angažovani na realizaciji projekta?
4. Molim da se dostavi kopija ugovora ili osnovni podaci o zaključenim ugovorima vezanim za izvođenje predmetnih radova.
5. Kada su radovi zvanično započeli?
6. Koji je planirani rok završetka radova?
7. Kolika je ukupna vrijednost projekta i iz kojih sredstava se finansira?

#### II. NADZOR I SIGURNOST GRADILIŠTA

1. Ko vrši stručni i tehnički nadzor nad izvođenjem radova?
2. Da li su poduzeti svi potrebni koraci kako bi se osiguralo gradilište i zaštitila sigurnost građana i prolaznika?
3. Da li su izvršene inspeksijske kontrole gradilišta od strane Kantonalne uprave za inspeksijske poslove i molim da se dostave zapisnici i nalazi izvršenih kontrola.
4. Da li je gradilište propisno obilježeno u skladu sa važećim propisima iz oblasti sigurnosti, zaštite na radu i saobraćaja?
5. Da li postoji procjena rizika za građane i okolne objekte tokom izvođenja radova?

#### III. ZAŠTITA JAVNOG ZDRAVLJA I ZAŠTITA OKOLINE

1. Cijeneći blizinu rijeke Miljacke, koje su konkretne mjere poduzete kako bi se spriječilo zagađenje okoliša i eventualno ugrožavanje vodotoka tokom izvođenja radova?
2. Imajući u vidu činjenicu da do danas nije provedena redovna sistematska deratizacija na području Kantona Sarajevo, koje su mjere poduzete na samom gradilištu kako bi se spriječila pojava i širenje glodara i drugih potencijalnih prenosnika zaraznih bolesti?

3. Koje su mjere poduzete kako bi se spriječilo širenje prašine i drugih štetnih čestica koje mogu ugroziti zdravlje građana?
4. Da li se vrši redovno polivanje i čišćenje gradilišta i saobraćajnica u neposrednoj blizini radova?
5. Da li su izvršene procjene mogućeg uticaja radova na zdravlje građana i kvalitet zraka u tom dijelu grada?
6. Cijeneći činjenicu da se u neposrednoj blizini nalaze institucije od značaja za Kanton Sarajevo, trgovački centri, poslovni objekti i šetnice, koje dodatne mjere zaštite građana su poduzete?

#### IV. ROKOVI IZVOĐENJA RADOVA I EVENTUALNI PENALI

1. Molim da se dostavi tačna dinamika izvođenja radova i plan realizacije po fazama.
2. Da li su rokovi za izvođenje radova probijeni?
3. Ukoliko jesu, molim da se dostavi detaljno obrazloženje razloga zbog kojih je došlo do probijanja rokova.
4. Da li su izvođačima radova obračunati penali zbog eventualnog kašnjenja u realizaciji projekta?
5. Ukoliko penali nisu obračunati, molim da se dostavi obrazloženje zbog čega nisu primijenjene ugovorne odredbe.
6. Da li postoji novi rok završetka radova i kada se očekuje potpuna normalizacija saobraćaja i korištenja javnog prostora u ulici Radićeva?

#### ZAKLJUČAK

Radovi koji se izvode u centralnim gradskim zonama moraju biti organizovani na način koji osigurava maksimalnu sigurnost građana, zaštitu javnog zdravlja, zaštitu okoliša i nesmetano funkcionisanje urbanog života.

Posebno zabrinjava činjenica da se radovi izvode u neposrednoj blizini rijeke Miljacke, frekventnih pješačkih zona, trgovačkih i poslovnih objekata, kao i institucija od značaja za Kanton Sarajevo, uz istovremeno prisutne probleme vezane za javnu higijenu i neprovođenje redovne sistematske deratizacije na području Kantona Sarajevo.

Građani imaju pravo da budu pravovremeno informisani o svim aspektima realizacije ovakvih projekata, uključujući rokove, sigurnosne mjere, zaštitu zdravlja i eventualnu odgovornost izvođača u slučaju kašnjenja ili propusta.

S poštovanjem,

Sebija Izetbegović

Za

